


قرأت لك

يونان و توبة نينوى



نبذة جميلة عن سفر يونان و إزاي بيظهر محبة ربنا و روعة غفرانه لكل التائبين

Fr. Anthony Coniaris

20 دقيقة قراية

يونان و توبة نينوى

الإصحاح الأول

1. **رسالة الله ليونان:** ربنا طلب منه طلب نادراً ما يطلبه من نبي في العهد القديم ... إنه يروح لشعب غير إسرائيل و مش أي شعب ... دي نينوى عاصمة آشور، ناس وحشيين و صعبين جداً لدرجة أن شرهم صعد أمام ربنا

لكن برغم كده ربنا حريص إنه يديهم فرصة للتوبة ... و نفسه يتوبوا

رد فعل يونان كان العكس ... كان نفسه ربنا يفني الشعب ده ... و يمكن يكون خاف على نفسه من اللي الشعب ده هيعمله فيه لو نادى عليهم بالتوبة زي ما ربنا قال له ... و يمكن يكون الطلب ده ضد فكر يونان كيهودي عنده الأمم دول شعب وثني و هم شعب الله المختار فاختر في الآخر إنه يهرب و مايسمعش كلام ربنا

2. **هروب يونان:** بدل ما يروح شرق راح غرب طب ليه ترشيش يا يونان؟ يمكن قال إن ربنا هينساني لو رحت هناك و بعدت عن إسرائيل و نينوى راح يونان ترشيش على سفينة، و ترشيش كانت مركز تجاري، فالسفن اللي رايحة هناك كانت قوية و مجهزة للرحلة دي باستمرار

و يقول الكتاب هنا عن يونان إنه نزل 3 مرات: مرة ليافا (جمال العالم) لأنه اختار يسب ربنا و يروح الدنيا و بعدين السفينة ... و البحر المالح اللي كل من يشرب من ماء العالم كأنه يشرب من ماء البحر ... يعطش أيضاً و بعدين قاع السفينة حيث نام نوماً عميقاً ... يعني حتى حواسه الروحية انطفت و صوت الروح القدس اللي جواه طفاه و ده اللي بتعمله فينا الخطية ... رحلة نزول مستمر للقاع لكن ربنا من رحمته بعت تجربة صعبة عشان يونان يفوق

3. **هياج البحر:** نوء عظيم تفوّق حتى على مهارة البّارة المتمرّسين ... كان المفروض يونا يهرب لربنا مش من ربنا ... لكن البعد عن ربنا دايماً يجيب عواصف حاول البّارة بمهاراتهم البحرية بعد كده صرخ كل واحد لإلهه ... حتى رموا كل حاجة على السفينة عشان ينقذوا أنفسهم و ماقدروش

رمى الملاحون ما كان غالياً عليهم ليشتروا حياتهم الجسدية ... هل نقبل نحن أن نلقي ملذّاتنا العالمية لنشتري الحياة الأبدية و هي الأهم؟

4. **إيقاظ يونا:** البارة قالوا نصّي الراجل الغريب اللي نايم ده ... يمكن يكون عنده حل أو يكون هو السبب

المفروض إن يونا في الموقف ده كان يطلي مش ينام

5. **يونا يعترف:** بيان هنا إيمان يونا بعظمة ربنا ... فهم على طول إن ربنا باعت العاصفة عشانه

و بالإيمان ده، بدل ما يقاوم بكل قوته عشان البّارة مايرموهوش، قال لهم بكل هدوء: ارموني في البحر و العاصفة تنتهي

6. **طرح يونا في البحر:** قدّام إيمان يونا تأثر البّارة ... و حاولوا تاني ينقذوا السفينة لكن ماقدروش ... و أيقنوا فعلاً إن إله يونا صانع البحر و البرّ و لأنهم عارفين إنهم لو رموا يونا هيموت صلّوا لربنا و قالوا: لا تجعل علينا دماً بريئاً

طرّح البّارة يونا في البحر بكل احترام و إكرام، فهدأ البحر ... هل تُلقي نحن عنّا خطايانا فتهدأ حياتنا؟

7. **الحوت يبتلع يونا:** بتدبير ربنا، كان الحوت مستني يونا في البحر ... عشان يحافظ عليه مش عشان يموتّه و فضل يونا في جوف الحوت 3 أيام زي ربنا يسوع في القبر

الله لا يريد أن ينتقم من يونان بل أن يصلحه كي يرسله من جديد ... و ده هدف أي تجربة
لينا



الإصحاح الثاني

1. **صلاة يونان:** أخيراً فاق يونان و عرف إنه مستحيل يهرب من ربنا و عرف إنه زي ما أهل نينوى و البحارة كانوا 'يراعون أباطيل كاذبة' و يعبدوا آلهة ماتقدرش تعمل حاجة، هو كمان صدّق الأباطيل الكاذبة دي لما افكر إنه يقدر يهرب من ربنا

صلّى يونان و قدّم توبة ... و مع معرفته برحمة ربنا و رعايته و غفرانه ليه، تحوّلت الصلاة في الآخر لتسبيح ... زي ما كان يحصل مع داود في المزامير ... و زي ما المفروض يحصل و الممكن يحصل مع كل واحد فينا

2. **خروج يونان حيّاً:** درس ثاني في الرحمة ليونان بعد درس البحارة ... بدل ما الحوت ياكله نلاقه بيلقيه حيّاً

طبعاً ده رمز واضح لقيامه السيد المسيح من الموت و خروجه من القبر

الكتاب لم يذكر الحوت رمى يونان فين؟ قريب من نينوى ولا بعيد؟ و لم يذكر كمان إحساس يونان و استعداداه و قبوله للمهمة: هل رأيته ساعتها تغيّر ولا لأ؟ لكن أكيد كان حاسس بفرحة كبيرة جداً إنه عدّي و نجى من ظروف ماحدّش عدّي بيها قبل كده و حتى لو كان لسة مش مقتنع بالحاجة اللي ربنا عايزها، أكيد كان مصمم إنه يعمل اللي ربنا عايزه



الإصحاح الثالث

1. **تكليف يونان ثانية:** ربنا نادى عليه و كلّفه نفس التكليف تاني ... زي ما هو من غير أي تغيير ولا كأن حصل حاجة

ربنا خططه لا تفشل ... و شايف لكل واحد فينا رسالة مهما بَعِدنا برضه لينا رسالة مستنيانا نعملها

2. **إنذار يونان لنينوى:** نينوى مدينة عظيمة ... كُنّا متوقّعين وعظة كبيرة من يونان زي وعظة بطرس الرسول أو بولس الرسول أو استفانوس لكن يونان دخل من الآخر على طول: بعد 40 يوم تنقلب المدينة ... مش مذكور إن يونان

أعطاهم أي أمل في النجاة ... و مذكور إنه حتى مالقش البلد كلها
لكن الغريب إن أهل البلد سمعوا المناداة بتاعته ... هل عرفوا خروجه من الحوت حي؟ هل ربنا
أعطاه نعمة في عينيهم؟

ربنا رحمته عظيمة جداً ... حتى لو قَصّرنا في وقت في خدمتنا، هو بيدي نعمة عشان ده
شغله ... دي مش دعوة لينا للتقصير لكن رجاء إنا حتى لو ما قدرناش نعمل أحسن حاجة،
ربنا هايكمل بنعمته العظيمة

3. **توبة أهل نينوى:** رغم أن يونان ما قالش لأهل نينوى يعملوا إيه إلا إنهم عملوا حاجة عظيمة
جداً ...
توبة شاملة (كل الناس و الحيوانات من كل الأعمار و المستويات) ... توبة قيل عنها في الكتاب
إنها توبة عظيمة

و تحوّلت نينوى من مدينة عظيمة في الشر إلى مدينة تائبة في المسوح ... منظر مختلف
تماماً و رائع جداً

4. **قبول الله توبتهم:** و قدّام التوبة العظيمة دي، سامحهم ربنا و رفع غضبه عنهم

يا لعظمة رحمتك يا رب!! بقى أجيال ورا أجيال من الشر المتزايد و تسامحهم عشان 3 أيام
صوم و توبة حقيقية ... دي عظمة الصوم المقترن بالتوبة الحقيقية عند ربنا
طبعاً التاريخ يقول لنا إن بعد كده للأسف التوبة دي لم تستمر طويلاً ... و نينوى رجعت للشر
تاني ... و ربنا استنى عليهم 100 سنة لكن بعد كده متابوش فتم عقابهم

الإصحاح الرابع

1. **يونان يغتم:** رد فعل رجل الله إيه قدام رحمة الله؟ للأسف يونان غضب من ربنا ... غضب إن
كلمته نزلت الأرض و ماتحقتش
كلم يونان ربنا تاني لكن شتان بين صلاته اللي في إصحاح 2 و كلامه اللي في إصحاح 4
هنا بيلوم ربنا لأنه رؤوف و رحيم و بطيء الغضب

دي حاجة غلط جداً ... يا يونان لو ربنا مكانش رؤوف و بطيء الغضب كان أفناك انت على هروبك و عصيانك!! احنا بنقول: كرحمتك يا رب و ليس كخطايانا!!

2. **حوار الله مع يونان:** يونان قال له يا رب خدني مش عايز أعيش

لكننا هنا تاني بنشوف رحمة ربنا ... حايل يونان بالهداوة و قال له: هل اغتظت بالصواب؟
يعني راجع نفسك و تفكيرك يا رجل الله

3. **درس اليقطينة:** يونان مارجعش إسرائيل على طول ... الظاهر كان بيراقب نينوى على أمل إنهم يرجعوا في توبتهم فيعاقبهم ربنا

مرة تانية نشوف رحمة ربنا هنا ... بدل ما يعاقب يونان أو يكلمه بقسوة، أعطاه درس
عشان يورّيه و يورّينا كلنا ربنا قد إيه هو بيحب كل الناس

يونان كان قاعد برة نينوى بيراقب ... بس ماعملش لنفسه مظلة كويسة، فربنا أعد له يقطينة
نمت بسرعة جداً عشان تظل عليه
فرح يونان جداً ... لكن ربنا بعد كده أعد دودة تاكل اليقطينة في يوم واحد

4. **يونان يتمنى الموت لنفسه:** ربنا كمان أعد ريح شرقية حارة جداً ... و مع ذبول اليقطينة تعب
يونان من الشمس القوية جداً

و تاني نشوف يونان يتغاض من ربنا و يطلب الموت

5. **توبيخ الرب ليونان:** ربنا قال الدرس هنا ليونان ... و سجّله عشان يكون درس لينا كلنا
مممكن جداً تبقى بتحب ربنا و بتحب ولاده و كنيسته ... لكن هل بتنقذ وصية محبة الأعداء؟ هل
ليك نفس فكر المسيح؟
ربنا قال له: يا يونان، اللي انت شايفهم ناس أشرار يستحقوا الهلاك ... أنا شايفهم ولادي و
نفسى يتوبوا و يرجعوا لي

اللي انت شايفهم مافيه مش أمل و يستحقوا الهلاك ... ربنا دفع دمه عشانهم ... و ممكن يتوبوا و يبقوا قديسين كمان



ربنا يدينا نتوب توبة حقيقية صادقة زي أهل نينوى
الكتاب قصير (32 صفحة) و موجود في ال link اللي فوق ... يا ريت كلنا نقراه و نستمتع بيه